

STATE OF THE STATE MESSAGE

FOR YEAR 2016

KASELELIE MAINGKO:

IHIENG OH KEIPWENI PAHN KUPWUREN ENIHLAP. EI TUNGOAL KEIPWENI PAHN KUPWUR EN EREKSOHN KAHLAPOKO EN POHNPEI UH.

SAKAR EN WAHU LAP PAHN KUPWUREN ISONAHNKENKO. WAUNEKI SAPWELMAR LIKENDKO, NAHNALEK KO ,NANKENIEI KO. PWILIHKI SAKAR EN WAHU WET OLEISO, SERIHSO, LENGLENG SAMWORDO, KAUN EN KEINEK OH PENEINEI KOAROS NAN POHNPEI. AHT TUNGOAL SAKAR EN WAUNEKI SAPWELIMATAIL PRESIDENT EN FSM IANGAHKI LAPALAP EN RAHN GOVERNMENT KOROS EN GOVERNMENT LAP EN FSM. PIL WAHUNIKI WELIAPATAIL KAN NAN CONGRESS. I PIL MEN WAUNIKI MEHLEL SPEAKER EN POHNPEI LEGISLATURE THE HONORABLE FERNANDO SCALIEM, VICE SPEAKER, THE HONORABLE NIXON SORAM, FLOOR LEADER, THE HONORABLE MCGARRY MIGUEL, MEMBER EN LEGISLATURE KADUAPAK UNSEK. WAUNEKI CHIEF JUSTICE, THE HONORABLE BENJAMIN RODRIQUZ OH IENGEMWI SOUN KAPWUNG KAN KOAROS. WAHU PIL DOKE KERIAU EN KEPINA, THE HONORABLE REED OLIVER, OMWI TUNGOAL WEREK, LOCAL CHIEF EXECUTIVES KAN OH KAUN EN RAHN MUNICIPAL GOVERNMENT KOAROS EN POHNEPI. EI TUNGOAL WAHU TOROR ONG EI TUNGAOL PENEINEI OH EI TUNGOAL WEREK.

AT THIS JUNCTURE, PLEASE ALLOW ME TO EXTEND OUR RESPECT AND APPRECIATION FOR THE PRESENCE OF OUR DEAR FRIENDS, THE MEMBERS OF THE DIPLOMATIC CORP. AS WELL, WE RECOGNIZE THE PRESENCE OF OTHER FSM NATIONAL GOVERNMENT OFFICIALS AND HEADS OF NATIONAL AGENCIES AND INSTITUTIONS.

PIL WAHU TOHROHR DOKE AHT TUNGOAL CABINET KAN OH KOAROS ME LANG KET OH PATO NAN TEHPAS WET RAHNWET.

MWOHNSAPWOKO, ISOHKO,RE KET OH KOAROS PATO NAN AHT TUNGOL
REPORT EN PAHR EN DOADOAHK 2016.

SANG NI KEHKEHLIK OH ILEK EN PALI 9 EN IRELAUD 9 EN POASOAN EN
KOSONED EN WEIN POHNPEI, KEPINA PAHN KIN REPORT KI ONG TOHN
PWIHN EN KOU KOSONED EN POHNPEI NAN EN LEGISLATURE ARAIL
TUNGOAL TIEPENE KOSONDI KEIOU DUWEN KOSONDI OH MWEKID LAP
KAN EN NAN SAPWELIMATAIL GOVERNMENT. OH PIL ONG TOHN
WEHIN POHNPEI ORITIKPEN KOSONDI OH MWEKID LAP KAN ME
PWEIDHR NAN DIEN ANSOU REPORT WET. KASALADA WET PEIAN
MEHLEL PEREKWEHN DOADOAHK NAN SAPWELIMATAIL “ STRATEGIC
DEVELOPMENT PLAN DE SDP” (**PLAN LAP EN KAKAIRADA WEHI**) OH E
PID LAUD MEHLEL PAHR EN DOADOAHK 2016. REPORT WET DE REPORT
ME PISETIK PAHN KAK EN PATOAHDA PAHN KUPWUR DE ONG EMEN
EMEN KITAIL PWE EN KAK SAPWELIMANIKI DE TUNGOLENIKI ANSOU
ITAR EN KADOREPWEH PWEIDA DE SOUTAR KAN ME MIE PWEHN KAK
WIA REPORT DEDE ONG EHU EHU KALAP DE EMEN EMEN KITAIL.

NAN PAHR EN REPORT WET I PIL **MEN** EN SALSAL ONG KUPWUR

KOAROS ME SANG NI KOASON SAPAHL ONG ADMINISTRATION WET ME

LAP OH KAREIENG SONSUED EN APWALIWEI KEMPAH KAN ONG NAN

PAHR EN DOADOAHK WET PWEHKI WELIWELIALI EN KAUN EN KEMPA

KAN. KALAHNGAN ONG SPEAKER OH IENGWEMWIH KAN PWEHKI

UTUHT LAP ONG KOASON SAPAHL WET E KAMANAMANLAR NAN 2016 .

EI TUNGOL REPORT EN RAHNWET PAHN ORALAP OH IDAWEHN

PEREKWEHN IREH KAN NAN SAPWELIMATAIL SDP, OH PAHN IET

MWOMWE:

- **EDUCATION SECTOR (KEMPAHN KAMARAIN) SAPWELIMATAIL**

KEMPAHN KAMARAIN, SOANG TOHTO ME PWEIDA SANG NI

DOADOAHK DINGANG OH NGOANG ME SAPWELMATAIL DIRECTOR KAPW

OH TOHN DOADOAHK KAN EN KEMPAH WET PATOHWAN PAHKIENGEHR

WEHI NAN DIHEN DOADOAHK WET. NI ANSOUOHTE PIL SOAHNG TOHTO

ME KEMPAH WET PATOHWAN LOIENG ME PIL WIA KEREMPW DE PIL

KALOHMWAT PWEIDAH KAN ME KONEHNG EN MIE.

NAN PAHR EN SUKUHL 2015-2016 WIA ANSOU ME INENEN KAHPWAL DE CHALLENGING ONG KEMPAHN KAMARAIN. PWEHKI IEHI PAHR EN DOADOAHK WET ME PIL KONOHDIMWIN PAHR EN DOADOAHK ONG EHU ADMINISTRATION, NI ANSOUOHTE E PIL WIA EHU ANSOU ME KITAIL PIL PATOHIENG NAN REPEN KUPWUR EN USADA WELIEPE ONG NAN SEHR EN KEPINA, KERIAU EN KEPINA, OH PIL LEGISLATURE.

MET ME ELEHDA PWUKOAHN APWALIH KEMPAHN KAMRAIN AH SOHTE SOANDI MWAHU LAU PAHR EN SUKUHL IMWISEKLA .PEIKASAL EN PWUKOAH PIL PWARADA PWEHKI TOHN DOADOHK KAN AH UHD CONTRACT LA NAN PAHR OHTE.

MAING SPEAKER, IH PAHN SOANG EN OARALAPIADA DUEN PWEIDAH KAN OH KEREMPW KAN ME ELE KAK MIE SANG NI IRE SOHKASIKPEH KAN AHR KIN KAK PWARADA.

EDUCATIONAL IMPACT DE KATEP ME PWARADA

BACKGROUND:

NAN PAHR EN SUKUHL 2015-2016 KITAIL SAPWELIMANIKIHDA WEN
TOHTOHN SERIHN SUKUHL NEN, LIMEPWIKI, WENEHK-LIMEN **(10,565)**
SANG ECE LEL HIGH SCHOOL.

SAPWELMATAIL PUBLIC ELEMENTARY SCHOOL ME SILIHSEK-EHU **(31)**,
PUBLIC HIGH SCHOOL **MEH SILUH (3)** OH PRIVATE SCHOOL MEH
WENEU **(6)**.

IETEHT PWEIDAH KAN DE **SCHOOLS - STUDENT PERFORMANCE**

SANG DAKE EN ECE:

SANG WEN TOHTOHN SERIHN SUKUHL **WENEPWIKI ISIAKAN LIMEN**
(675) EN ECE IRAIL SERI LIMEPWIKI EHK EMEN **(511)** ME PATOHWAN
KANEKEHLA REQUIREMENT DE KOASOANDI EN KASUKUHL KAN
KOARSOS ME IANGAHKI KASUKUHL EN NAN PEREHN SUKUHL, DOKEN
SILASIL OH KAMWAHULAHN NGIH, OH PIL KESEPWILDAHNG PWIHN
KEIOU. PALI EN ECE PIL PATOHWAN WIA SONGEN SAWAS TOHTO
OHNG PENEINEI KAN, ME IANGAHKI WORKSHOP, FUND-RAISING OH PIL
KEMWEKID EN KOPWORMENT TOHTO ME IANGAHKI KAPAR EN WEREN

NANSAPW DE PARADE, CULTURAL DAY, OH SONGEN KASANSAL
TEIKAN.

SANG DAKE EN ELEMENTARY:

WEN TOHTOHN TOHNSUKUHL EN ELEMENTARY MEH WENEKID,
LIMEPWIKI LIMEHK SILIMEN (**6,553**) IRAIL MEH WENEKID, PAHPWIKI,
SILIAKAN SILIMEN (**6,433**) PATOHWAN KANEKELAHR PAHR EN
SUKUHLO OH KEREDAHNG NAN PWIHN LAUD. TOHN SUKUHL
WENEPWIKI ISIAKAN EMEN (**671**) ME KANEKELAHR PWIHN KAWALUH
(**8TH**) OH KERADAHNG PWIHN KEDUAU (**9TH**). EN PIL KAK SANSAL ME
IRAIL MEH EPWIKI PEHK PAHMEN (**144**) ME SOHTE PWEIDA NAN
SIKENG EN PICS OH KASUKUHL TOHROHR PIL WIAWIHIENG IRAIL ME
ELEHDA PALI LAUD EN IRAIL PIDELONG OHNG NAN HIGH SCHOOL.
MEHN SOSOHNG DE SIKENG RIAU (2) ME KIN PATOHIENG
SAPWELMATAIL SERIH KAN. IEHI, SBA (STANDARD BASE ASSESSEMENT)
OH NMCT (NATIONAL MINIMUM COMPETENCY TEST). SBA KIN

PATOHING IRAIL PWIHN KESILUH (**3RD GRADE**), KELIMAU (**5TH GRADE**)
OH KEISUH (**7TH GRADE**).

IRAIL PWIHN KESILUH ISIPWIKI RIEHK WENEMEN (**726**) ME ALEHIER
TEST OH PASSING RATE PATPATO NI **30%**. OHNG NI NMCT PASSING
RATE PATPATO NI **27%**.

SERI TOHTO PATO PAHNANGIN AVERAGE.. MET PAHN ANAHNE
KAMWAHULA OHNG NAN PAHR EN SUKUHL MET OH ME PAHN
PATOAHDO.

SANG DIVISION DE DAKE EN HIGH SCHOOL

SANG NI WEN TOHTOHN SERIHN HIGH SCHOOL RIEKID, LIMEPWIKI
ISIAKAN RIEMEN (**2,572**), MEH LIMEPWIKI RIEK EMEN (**521**) ME
PATOHWAN NEKSANGEHR HIGH SCHOOL. SERI EPWIKI RIEHK PAHMEN
(124) DE 24% PATOHLONG NI ARAIL WIA DEGREE-BOUND OH MEH
SILIPWIKI RIEHK WENEMEN (**326**) PATOHLONG OH ALE REMEDIAL
CLASSES. TOHNSUKUHL ISIAKAN EMEN (**71**) ME SOHTE IANG PATOHLA
COLLEGE.

TOHN SUKUHL PWUKAT ANSOU ME RE PATPATO HIGH SCHOOL, MEH
RIEPWIKI LIMEHK RIEMEN **(252)** ALEHDI ACADEMIC EXCELLENCE DE
4.0. OH MEH PAHPWIKI WELIAKAN PAHMEN **(484)** ME PATOHWAN
ALEHDI GPA 3.5 OH POHNANGI.

SANG PALI EN VOCATIONAL EDUCATION

VOCATIONAL EDUCATION DE **PALI EN KAKOHIEKEHLA SEREIH KAN**
KESEMWPWAL PWE PALI WET ME PAHN KAK WELIANDI TOHTOHLAHN
PWAHKELONGODOHNG MEHN LIKI KAN ME TUNGOALENKIDAHR
DOADOAHK KAN ME SERIH KAN KAK WIA EHU RAHN. IRAIL KAN ME
PATO NAN PROGAM WET MEH PAHPWIKI EHK SILIMEN **(413)**. PERCENT
27% PATO NAN TRADE AND INDUSTRY, PERCENT **19%** PATO NAN
MECHANIC, PERCENT **29%** PATO NAN AGRICULTURE, PERCENT **52%**
NAN BUSINESS, OH PERCENT **7%** PATO NAN HOME ARTS. VOCATIONAL
TEACHER ME SILIAKAN (30) ME CERTIFIED OH ME **DUEMEN** (9) SAIK.

EHU PALI DE PROGRAM ME PIL KIN SEWESE SAPWELMATAIL SERIHN
SKUHL KAN ME SOHTE PATOHWAN KANEKEHLA HIGH SCHOOL IEHI WD
& ST. IRAIL TOHNSUKUHL LIMEHK SILIMEN **(53)** ME TOWEHDAHR
PROGRAM WET OH IRAIL ME PEHK WELIMEN **(48)** KANEKELAHR
REQUIREMENT KAN. IRAIL MEH ISIMEN (7) PATOHWAN DIAREHR ARAIL
DOADAOHK.

WEN MWOHNI EN SCHOLARSHIP ME MIE NAN PAHR EN DOADOAHK
PATOLAHR, PATPATO NI TALA RIELOPW, LIMENEN, LIMEKID,
WENEPWIKI, LIMEISEK DUWAU **(\$255,659)**. TOHN SUKUHL EPWIKI
LIMEHK SILIMEN (153) ME APPLY OH MEH DUWEHK LIMEN (95) ME
PATOHWANEHR SCHOLARSHIP MWURIN PETEHK KENEINEI AH WIAWI.
PIL NAN PAHR EN SUKUHL O IRAIL SCHOLARSHIP RECIPIENT EHK
DUWEMEN **(19)** ME KANEKELAHR COLLEGE. IRAIL TUNGOALENKIHDIER
DEGREE NAN PALI EN KOASONNED, ROSON MWAHU, PALI EN
KAMARAIN, ENGINEER, BUSINESS, OH COMPUTER OH PALI TEI KAN.

SAPWELMATAIL PRIVATE SCHOOL WENEU (6) ME KITAIL

PATOHWANOHNGEHR CHARTER PWE REN KAK SEWESEHDA

TOHTOHLAHN SAPWELMATAIL SERIHN SUKUHL OH WIA SAWAS LAUD

OANG WEHI. WEN TOTOHN SERIHN POHNPEI ME PATPATO NAN

CALVARY CHRISTIAN ACADEMY MEH RIEPWIKI WENEHK DUWEMEN

(269). MEH EHK SILIMEN (13) PATOHSANG WEIN FSM TEIKAN OH MEH

PEHK WELIMEN (48) PATOHSANG WEIN LIKI TEIKAN.. **OHWA** SCHOOL,

SERIHN POHNPEI MEH DUWEHK (90), MEHN FSM EMENTE (1) OH

SOHTE ME SANG WEHI TEIKAN. **OUR LADY OF MERCY CATHOLIC HIGH**

SCHOOL. SERIHN SUKUHL EN POHNPEI MEH EPWIKI RIEHK RIEMEN

(122), WELIMEN (8) MEHN FSM OH EMENTE (1) SANG EHU WEHI

TOHROHR. **POHNPEI CATHOLIC SCHOOL**. SERIHN POHNPEI ME

RIEPWIKI PEHK WELIMEN (248), PEHK PAHMEN (44) SANG FSM OH EHK

DUWEMEN (19) SANG WEHI TEIKAN. **SEVENTH-DAY ADVENTIST**

SCHOOL.

SERIHN POHNPEI MEH RIEPWIKI LIMEHK LIMEN (255), RIEHK RIEMEN (22) SANG FSM OH PEHK SILIMEN (43) SANG WEHI TOHROHR. **ST. PAUL** SEWESEDAHR SERIHN POHNPEI SILIAKAN ISIMEN (**37**), SERIHN FSM SILIMEN (3) OH SERIHN LIKI RIEMEN (2). SERIHN POHNPEI ME PATPATO NAN PRIVATE SCHOOL KAN MEH KID RIEHK EMEN (1,021). EN KAK PIL SANSAL ME SOHLA SAWAS EN MWOHNI KITAIL KETKIENG PRIVATE SCHOOL PWUKAT PWEHN KAK IANG DAPWIN ANAHN EN KASUKUHL ME KITAIL SAPWELIMANIKIENG IRAIL SERIHN POHNPEI.

TEACHER PERFORMANCE DE PWEIDAHN SOUN PADAHK

SAPWELMATAIL SOUNPADAHK MEH PAHPWIKI DUWEHK WENEMEN (**496**). IRAIL MEH SILIPWIKI PEHK WELIMEN (**348**) TUNGOLENIKI ASSOCIATE DEGREE, MEH DUWEHK (**90**) TUNGOLENIKI BACHELOR'S DEGREE OH MEH RIEHK SILIMEN (**23**) TUNGOLENIKI MASTER'S DEGREE. NAN PAHR EN REPORT WET IRAIL SOUNPADAHKTE RIEHK SILIMEN (**23**) ME SAIKINTE TUNGOLENIKI HDA DEGREE. OH IRAIL SOUNPADAHK

SILIPWIKI PEHK WELIMEN (348) ME TUNGOLENKI TEACHING

CERTIFICATE.

CURRICULUM DE WIEPEN KASKUHL

KITAIL SAPWELMANIKI EHU KOSONDI DE PLAN EN KASUKUHL DE

CURRICULUM STANDARD ME WIA MEHN KAWEID OHNG IRAIL

SOUNPADAHNG KAN PWEHN KAWEID WIEPEN KASUKUHL NAN PALI

EN SCIENCE, MATH, SOCIAL STUDIES, OH POHNPEI STUDIES. KASUKUHL

EN DIPWISOU EN DOADOAHK PWUKAT DOUDOULAHE MWOWE OH

KESIKPE ME SOUNPADAHK KOAROS PAHN PATOHWAN SAMANIALA

ONG KAMWAHUPEN SERIHKAN.

SAPWELMATAIL SPECIALIST KAN INENEN PIL NGONGKIHILA WIA KAIAHN

OHNG SOUNPADAHNG KAN OHNG NI CURRICULUM, LESSON

PLANNING, STUDENT ASSESSMENT, ACCREDITATION OH PIL SOHNG

TEIKAN.

–ACCREDITATION DE KOSOUPEN DAKE EN EHU EHU SUKUHL

DAKE EN SUKUHL ACCREDITATION KIN PATO SANG NI DAKE ME KEIOU
PATO PAH PATOHDA DAKE KEIOU POWE. DE SANG LEVEL 1, 2, 3 OH 4
ME KEIOU MWAHU.

SANG NI DOADOAHK KENEINEI EN ACCREDITATION ME WIAWIHER,
SAPWELMATAIL SUKUHL RIEISEK PAHIOU (**24**) ME PATO NI LEVEL **SILUH**
(3), SUKUHL EISEK (**10**) ME PATO NI LEVEL **RIAU (2)** OH SUKUHL **LIMAU**
(5) ME PATO NI LEVEL EHU (1). SAIKINTE SUKUHL ME LELEH LEVEL
KEIOU ILEILE DE PAHIOU (**4**). KAHREPEN EKEI SUKUHL ARAIL SAIKINTE
ALEHDI LEVEL LAUD KAK SANG NI: MANAGEMENT EN SUKUHL PWUKAT
ANAHNE KAMWAHULA OH WIEPEN KASUKULIH SERI ANAHNE
KAMWAHULA. SUKUHL KAN ME ALEHDI LEVEL LAUD E SANSAL ME PALI
EN MANAGEMENT MWAMWAHULA, PERFORMANCE EN SEIHN SUKUHL
KAN PIL MWAMWAUHLA OH ONOHNDAHN PEREHN SUKUHL KAN PIL
PAHN WIAWI. EN PIL KAK SANSAL ME ACCREDITATION ME PAHN
WIAHIER MEHN SOSOHNG OHNG NI PWEIDAHN SAPWELMATAIL
SUKUHL KAN SANG RAHNWET PATOHLA. I PIL MEN EN SALSAL ONG

WEHI ME PROGRAM EHU ME KADANKI **ACHEIVE 3,000** ME MIE SCHOOL
ME IANG ENROLL DE WIA PILOT ME IEI SCHOOL EN NETT ELEMENTARY
SCHOOL. NAN SUONPUNG NEKIER OH LIH EMEN POTOALONGWODO
OH PATOAWANDO KISAKIS EHU ONG MWANAKAPW MEN SANG NETT
SCHOOL ME PWEITA MELEL KAIDEKINTE NAN FSM APW NAN
MICRONESIA UNSEK. KALAHNGAN ONG KEMPA EN KAMARAIN OH
SCHOOL EN NETT PWEHKI PWEIDA WET. I PTATOAWAN KAMELELE ME
SCHOOL KOAROS ANAHNE IANG ENROLL NAN PROGRAM WET PWE
PAHN WIA SAWAS LAUD ONG SAPWELIMATAIL SERI KAN.

SPECIAL EDUCATION DE KASKUHL TOHROHR

WEN SERIHN SUKUHL ME PATO NAN PROGRAM WET PATPATO NI MEH
ISIPWIKI WENEHK LIMEN (**765**). SERI ANAHN TOHROHR SILIAKAN (**30**)
PATOWAN KANEKELAHR ARAIL TUNGOL SUKUHL. MEH WENEMEN (6)
PATOHLONG NAN HIGH SCHOOL, OH MEH LIMEN (**5**) DIAR DOADOAHK
NAN PROGRAM TEIKAN.

PROGRAM TEIKAN ME KITAIL AHNGEDOHR IEHI ME IANGAHKI UPWARD
BOUND PROGRAM OH KIN SEWESE SERI EPWIKI **(100)**. TALENT SEARCH
PROGRAM KIN SEWESE SERI RIEPWIKI WELIAKAN PAHMEN **(284)** NAN
HIGH SCHOOL, OH GEAR-UP KIN SEWESE SERI EPWIKI ISIAKAN ISUMEN
(177). PALI PWUKAT PATOHDO PAHN KAWEID EN COM-FSM.

PROGRAM PWUKAT SEWSEHDA MEHLEL SERIH KAN MWOHN ARAIL
PATOHLONG NAN COLLEGE.

KEMPA EN KAMARAIN PIL PATOHWAN EHUONGEHR PALI TOHTO ME
IANGAHKI **PREL, MCREL, PEACE CORPS, WORLD TEACH, OH COM-FSM.**

WASA TOHTO ME SE PATOHWAN KAMEHLELE ME PAHN KONEHNG
KAMWAHULA. AHPW IEHI IMPACT DE TOU ME PALIEN KASUKUHL
WIAHIENG POHNPEI NAN PAHR EN DOADOAHK *2015-2016* ME SANSAL.

PAHN DIRECTOR KAPW, PILAHN EN DOADOAHK TOHTO ME PIL
KOUNOPADAHR PWE EN KAHLUA SAPWELMATAIL KEMPAHN
KAMARAIN. KOASOANDI EN DOADOAHK PWUKAT PAHN PID
KAKEHLAILAHN SAPWELMATAIL SUKUHL PWUKAT.

ECONOMIC IMPACT

MAING SPEAKER, MWOMWOHD WET PATOHWAN KAMANAHDA

POHNANGIN MILLION **\$10.16** PWE EN KAK APWALIH ANAHN EN

KASUKUHL KAN. WEN KENDO WET E PATOHDA NI MWOHMW MET:

COMPACT SECTOR MILLION **\$7.01** OH SEG DE SUPPLEMENTAL

EDUCATIONAL GRANT MILLION **\$2.9**. PALIEN SPECIAL EDUCATION

MILLION **\$1**. MWOHNI PWUKAT NEHNEHDI NIN DUE MET:

HIGH SCHOOL KAN TUNGOLENIKI TALA MILLION **\$2.3**, PRIMARY

SCHOOL KAN TALA MILLION **\$4.2**.ECE TUNGOLENIKI MILLION **\$1.4**,

SPECIAL EDUCATION TALA MILLION **\$1** OH OHPIS LAP TUNGOLENIKI

TALA WELI LOPW, NEN RIEKID PAHPWUKI SILIHSEK WENEU (**\$812,436**).

PROGRAM TEIKAN TUNGOLENIKI TALA **\$ SILI LOPW WELINEN SILIKID,**

EPWIKI SILIHSEK PAHIU.

SANG WEN MWOHNI PWUKAT, POHNANGIN MILLION ISUH (**\$7**

MILLION) ME KIN PWAIN TOHNDOADOAHK OH MILLION SILUH

SAMWA (**3 MILLION**) KIN PWAIN ANAHN EN SUKUHL KAN.

SAPWELMATAIL TOHN DOADOAHK EN KEMPAHN KAMARARIN
PATPATO POHNANGIN TOHNDOADOAHK **ISIPWIKI 700**. WEN TAXES
ME TOHNDOADOAHK PWUKAT PIL PWAIN OHNG TAXES PATOPATO
POHNANGIN **MILLION EHU**. MET SOHTE PATEHNG DIPWISOU EN
SUKUHL ME PWEIPWEIDA NAN SDOHWA KAN. SE PATOHWAN
KAMEHLELE ME PALI EN KAMARAIN PIL KIN WIA KATEP LAUD DE
IMPACT LAUD OHNG SAPWELMATAIL KEIRDAHN WEHI.
E PAHN KONEHNG EN MIE PLAN EN DODOHK ME PAHN KAWAIDADA
WIEPEN NAHKPENE WAHN KAPAI PWEHN SEWESE KEMPA WET.
KAIDEHNTTE “ECONOMIC IMPACT” ME PALI WET PIL KIN TOU KIENG
WEHI AHPW SE PATOHWAN KAMEHLELE ME PIL MIE “SOCIAL IMPACT”.

SOCIAL IMPACT

EN KAK SANSAL ME PALIEN KAMARAIN ME WIA ELEN KEIRDA TOHTO
OHNG STATE. PALI WET PIL SONG EN IREHDIHSANG SERIHN SUKUHL
KAN EN DEHR LELOHNG NAN KAHPWAL EN WIAHDA DIHP DE KAWEHLA
KOSONED. PALI LAUD EN OHLAN KOSONNED PATOH SANG SERIH KAN

ME SOHLA PATO NAN SUKUHL. PIL NI ANSOUOHTE, SONGEN SERI
PWUKAT ME SOHTE KAK PATOHWAN DIAR ARAIL DOADOAHK. PALI EN
KAMARAIN PIL KIN SEWESE DIARADA SOHMWAHU TEIKAN OHNG
SERIHN SUKUHL KAN. RAHNWET MIE ROPROP EN SOHMWAHU EN
MONGIONG WIAWIHIONG SAPWELMATAIL SERIH KAN. I MEN
PATOAWAN KAPING KIONG DR. PERMAN ME TAPIADAR PROGRAM
WET OH SERI KAN PIL ELEIER SAWAS PWEHKI ROPROP ME DR. PERMAN
TAPIADA.

MA SOHMWAHU PWUKAT PAHN DIEREKDA MWADANG AH RE PAHN
KAK EPWELLA MWADANG. SE PAHN KALAUDEHLA SAWAS PWUKAT NI
AHT PAHN ROPADA TETEH PAHN KAK LEL SUKUHL KOAROS.

STRATEGIC IMPACT

NAN SAPWELMATAIL POHNEPI STRATEGIC PLAN, E RUWESE
KAMWAHULAHN SAPWELMATAIL PWUKOAHN KASUKUHL OHNG
SAPWELMATAIL SERIHN SUKUHL KAN.

PWEHKI MET, KEMPAHN KAMARAIN PATOHWAN TAPIADHR KODOHK
PEN DOADOAHK LAP PWUKAT ONG NI KAKEHLAILAHN SAPWELMATAIL
SUKUHL KAN.

TEHNPESETAIL IMEN SUKUHL EHU ME KAPW ME PATO NANPEI
MEMORIAL SCHOOL PAHN NEKILA NAN PAHR ET.

PILAHN EN PEREHN SUKUHL KAPW WENEU (6) PIL KOSONDIER EN
WIAWI OHMINE SCHOOL, SOKEHS POWE, LUKOP, PICS, PALIKIR OH
MADOLENIHMW HIGH SCHOOL. EKEI SUKUHL PWUKAT PATPATO NI
DESIGN PHASE AH EKEI KOUNOP PEN PET DE BIDDING ME WIEWIAWI.
PILAHNEPEN SCHOOL CONSOLIDATION DE TOHREKEPNEHNG SUKUHL
KAN PIL PAHN WIAWI PWEHN KATIKALA PWEINEN KATANGA DIREN
SCHOOL NAN POHNPEI.

PWEHKI SEPWILIDE EN PAI EN WEHI OH WEN TEHTE KAN ME KIN
DOADOAHK OHNG KEMPAHN KAMARAIN, ELE E PIL PAHN KONEHNG

KITAIL EN TEHK MA E SOU KONEHNG WEKIDEKLAHN KOSONNED EN
KAK MIE PWE EN MWEIDADA RIKIRIKDAHN FEE DE ISAIS OHNG SUKUHL
LUNCH, TEXTBOOK, TECHNOLOGY, OH STUDENT SERVICE TEIKAN ME
IANGAHKI STUDENT TRANSCRIPT.

MAING SPEAKER, MEPWUKAT WIA KAIROHR ME SE TUNGOLENIKI ME
PAHN KAK EN SEWESEHDA SAPWELMATAIL KEIRDAHN WEHI OH ME
PAHN KAK EN KAMWAHUIALA SAPWELMATAIL WIEPEN KASUKUHL.

EN KAK PIL SANSAL ME SAWAS TOHTO ME KEMPAHN KAMARAIN KIN
PATOWAN ALEHDI SANG SAPWELMATAIL CONGRESS EN FSM, OHPIS EN
WEHI, PENEINEI, OH BUSINESS KAN NAN POHNPEI.

PWEHN PIL SANSAL, SAWAS ME KITAIL KIN PATOHWAN SANG PELIEN
PEACE CORPS PIL DOUDOULAHE MWOWE. NAN PAHR EN REPORT
WET PEACE CORPS VOLUNTEERS KAN DOUDOULAHE NAN ARAIL
SAWAS ONG PELIEN KEMPAHN KAMARAIN NI KAMWAHULAHN PELIEN
PATO EN WAHI DE ENGLISH LANGUAGE ARTS ONG SERIH KAN NAN
ELEMENTARY.

PALI WET PIL SAWASAWAS ONG KAMWAHULAHN LIBRARY KAN EN
PELEHNG, ENIPEIN, SEINWAR OH TEMWEN.

SOANGEN SAWAS TOHTOH NAN PAHR EN REPORT WET ME
PATOADASANG SANG PELIEN PEACE CORPS OH EI TUNGOL KAPING
LAUD ONG PEACE CORPS PWEHKI SOANGEN KAIHKN KAN OH PIL
KASUKUHL KAN ME IIRAIL PEACE CORPS VOLUNTEERS KAN WIWIA ONG
SAPWELIMATAIL SERIH KAN OH PIL NAN GOVERNMENT EN POHNPEI.

HEALTH DE KEMPAHN ROSON MWAHU

SAHPIS EN ROSON MWAHU NI IMWEN WINI LAUD, NI IMWEN WINI TIKITIK KAN
OH PEKEDERPEN SOUMWAHU ONG IMWEN WINI EN LIKIH KAN PIL DODOULAHE
OH INENEN PWEIDA LAUD SANG NAN PAHR TEIO.

SOUMWAHU LIMENEN, PAHKID, EPWIKI (54,100) ME PWAREK IMWEN WINI,
PUBLIC HEALTH, CHC OH DISPENSARY KAN NAN PAHR EN REPORT WET. MET
PAHNANGIN ELEPEN IIRAIL SOUMWAHU KAN ME PWAREK IMWEN WINI PAHR

PATOLAH. WEN TOHTOHN SERI ME IPWIDI MEH KID, DUWEHK EMEN (1,091)

NAN PAHR 2016 MET ONGETE ME KILELDI OH IPWIDIONG NAN IMWEN WINI.

DIEN SOUMWAHU SEUKESIKPE KAN MEHLEL ME SANG NI SOHTE MWEKIMWEKID

DE EXERCISE ME KITAIL KETIN LOIONG ME ELEHDA WEN TOHTOHN SOUMWAHU

PWUKAT. NAN REPORT ME MIE, CASE DE ME ALEHDI EPWEL MEH DUWEPWIKI

RIEHK PAHMEN (924) OH PERCENT SILIHSEK (30%) EN EPWEL PWUKAT ME PWAL

DE SURGERY.

LUHMWUHMW DE SOUMWAHU EN SUKE SAIKINTE **MALAULAULA**. SOUMWAHU

WET WIA EHU KAHREPEN KAPDOLONG TOHTO NAN IMWEN WINI. TEHTEHN

KADAR IRAL SOUMWAHU ONG LIKI DE REFERRAL WIAHTE KAHPWAL LELEDO MET.

ADMINISTRATION WET EHU **IENGEHR** PALI KEI ME IANGWAHKI UNITED OH AJUDA

FOUNDATION PWEHN KOSONEHDI PLAN EN DOADOAHKI ONE PASS MILAGE

SANG SEILOK EN GOVERNMENT KAN ONG NI EPWELPEN REFERRAL. MET

PIDADAHTE PWEIPWEI POHN SOMPIHR OH PAHN ANAHNE KAMANAMAN SANG

LEGISLATURE. AH PWEINEN EPWELPEN SOUMWAHU KAN WIEWIAHTE KAHPWAL

ONG KOAROS APW MEHLEL ME SOHTE TUNGOLENKI INSURANCE EN MICARE.

ADMINISTRATION WET OH DIRECTOR KAPW PIL SONGWOSONG MA E PAHN KAK

WIAWIHDA SONGWONG INSURANCE EHU ME PAHN APWALIH SOUMWET,

Soused oh me sohte insurance kan. met pahn anahne utuht lap sang legislature, national koperment oh oia.

MesiHN en keSeu kei pil pweipweidaHR oh tePier doadoaHK. Dipwsou pwukat kamwadangahla epwelpen soumwaHu sang rehn irail tohkTe kan. MesiHN en liol kapw oh automatic switch eHu alahldaHR oh tepdaHR doadoaHK. ehupene nan pwungen telecom, leo foundation oh imwen wini koasonedier wiepen doadoaHK eHu de **tele medicine** me kin ehulang semen de toakte kan en liki kan oh pil sawas laud mehlel ong lumwuhmw de kepinsalehd me aramas pwukat sapwelmanki de tugoalenki.

epwelpen ncd (non-communicable disease) wia ire keSempwal mehlel oh Karuwaru nan pali wet rahn wet. doadoaHK laud me pidada wiepen irehdi ncd wiwiawi pwehn kolowei roson en aramas. sakan pein sakatail de exercise iei sapwelmatail pasapeng me keieu mwadang oh pwei tikitik ong kaHPwal en ncd me inenen ngeder rahn pwukat.

PWE EN PIL DEHDE, POHNPEI IANGHR KET PAHN KEPER EN SOUMWAHU RIAU
ME IEI ZIKA OH DENGUE ME AMWSE KIN KADAUR.

EPWELPEN PIHL KAN EN WIAWI PWE EN KATIKALA DE KASOREHLA WASA ME
AMWISE KAN KIN NEITIK OH PARPESENG IE.

DIVISION EN SOCIAL AFFAIRS:

OHPIS DE PALI WET ME PATOHIER PAHN KEMPAHN ROSON MWAHU ME KIN
APWALIH EPWELPEN ME LIKEILAP, LIH, ME PWULEPWUL, ME TUNGOLENKI
ANAHN TOHROHR OH KAMWADONG DE SPORTS. PWEIDA KAN ME MIE NAN
ANSOUN REPORT WET ME NGEDER MEHLEL. PISSEK EN PWEIDAHN EHU EHU
ACTIVITIES KAN ME PALI WET PWUKOAHKI PATOHIER NAN REPORT LAP. NI
ORALAP OHPIS WET DOUDOULAHE MWOWE NIN DUWEN ME KIN SANSAL NAN
PAHR KOAROS. PELIEN EXCHANGE PROGRAM ONG SERI KAN ONG WEI TEI KAN
PIL SONAMWAHUSANG NAN PAHR EN MWOWEHKO OH PWEIDA LAUD PIL MIE
ONG PALI WET NI AH SANSAL TOHTOHLAN EXCHANGE STUDENT KAN.
ANAHNEPEN SAWAS EN SENT PWEHN KADAIALA PWUKOHN OHPIS WET PIL MIE
PWEHKI TOTOHLAHN PROGRAM.

**EPA- ENVIRONMENT (EPWELPEN PALIOMOAR, PALIESED, OH NAN
WEHWE)**

EPWELPEN PALIESED, PALIOMOR OH NAN WEHWE INENEN LIPWALIPW ONG
PWEIDA OH KEIRDAHN PALIEN TOURISM, AGRICULTURE, OH FISHERIES.
E WIA SAPWELIMATAIL PWUKOH EN KIN LIROROHKI WAHN DE AUDEPEN
SAPWATAIL PEI WET ME IANGAHKI WASA POD, WASAHN NAHK KAN OH
MWAKELEKEL EN WASAHN KOUSON KAN PWEHN KAK WIA KAMWAHUPEN
ARAMAS KOAROS OH DIH KAN ME PAHN PATOAHDO MWURKAN. PWEHKI OHPIS
WET AH KIN IANG KAWEID WIEPEN IEIAS OH MWAKELEKEL, MET ME KAHREHDA,
NAN PAHR 2016 PALI WET IANG KAPWUKOHIENG COMMITTEE IEU ME
KOKOUDAHSANG PAHN RUWES EN EI TUNGOAL OPIS PWEHN APWALIH OIL ME
SOLAHR DOADOHK PWEHN PIL WIA MEHN SAWAS ONG SOANG TEIKAN OH DEHR
KAWEHLA SAHPW KAN, PIHL DE PIL SEHD.
SOHNG TEIKAN ME PIL PWEIDHR NAN PAHR 2016 IEI PELIEN RECYCLING DE
PWEIPWEIDAHN TEHNPWOT. OHPIS WET KANEKEHLAHR ACTIVITIES EN
RECYCLING WENEU (6) OH KOLEDIER POHNANGIN MILLION 7 SANG TEHN PWOHT
(ALUMINIUM)
ALAHLDAHN TEHN PWOHT ME PEKEDERIER OH PWEIPWEIDASANG ARAMAS EN
POHNPEI PATO NI WEN TALA PALOPW NEN RIEKID ISIHSEK WENEHU SENT
DUEISEK LIMAU.(\$412,076.95)

OHPIS WET KASAWIHIER PIHL KAN OH KADIARAKDA ME PERCENT LIMEISEK (50%) EN PIHL NAN POHNPEI ANAHNE KAMWAKELDA OH SOHTE KAK WIA MEHN KAROSON. WEN TALA LOPW SAMWA ALAHLDISANG PAHN MWONIHN COMPACT PEHN PIL DOADOAHKLANG MWAKELEKEL EN PIHL AKAN.

OHPIS EN EPA KIN EHUIENG KEMPAHN KAMARAIN OH WIA KASKUHL PEN KESEMPWALKI MOMOUR OH MWAKELELEL EN NAN KOUSON KAN. PIL PATEHNG MET, PALI WET PIL KIN EHUONG KEMPAHN SAHPW NI ARAIL KIN IANG APWALIH ONG ARAMAS WIEPEN DOADOAHKI SAHPW KAN. IEI MINIMIN EN DOADOAHK EN NAN PWUNGEN OHPIS PWUKAT, OH PIL NGO KAN (NON-GOVERNMENT ORGANIZATION), OH WASAHN KOUSON AKAN ME APWAPWALIH OH KAPWAIADA EPWELPEN ROSON DE MWAKELEKEL EN WASAHN KOUSON KAN.

5.FISHERIES AND AGUACULTURE, OFA

EPWELPEN PALIESED OH TEHTE KEPIKIPIK KAN NAN PALIWET WIA EHU PWUKOA KESEMPWAL O POATOAPOAT ONG GOVERNMENT OH KITAIL ARAMAS KOAROS ONG IEIAS, TIAHK, KEIRDAHN WEHI, OH MEHN KAROSON RAHNWET OH LAKAPW PATOHLA.

KOSONED PIL KATOREHSANG OHPIS EN KEIRDAHN PAI EN WEHI PWUKOA
KAOROS ME PID PALIESED, MWAHMW OH TEHTEH KEPIKIPIK TEIKAN PWE EPWEL
KENEINEI OH MWAHU EN KAK KOKOUWONG PALI WET.

IEI PALI WET ME KOPWOROPWORPE MIE ME PAHN IANG SEWESEHDA
MWADANG KEIRDAHN PAI EN WEHI. E DEHDE ME MWOHNI LAUD KIN PIDOLONG
POHNPEI SANG LAID OH SOANGEN SAHPIS TEIKAN ONG SOHPEN LAID KAN.
AHNSOUT WET PALI WET EHU ONGEHR OHPIS KAN ME DUWEHTE COM-FSM, SPC,
FSM R & D, POHNPEI DEPARTMENT OF PUBLIC SAFETY, TNC, JICA, SOUSED KAN
OH PESNES EN NETIN MWAHMW KAN, OH PALI TEIKAN ONG NI WIEPEN
KAMWAHULAHN WASAHN NAHK, WIEPEN NAHK, LAID OH TEHTEHN LAID, ANSOU
EN LAID, SAIS OH ANSOUN LAID ME KONEHNG.

NAHN PAHR EN REPORT WET E SANSAL ME EPWELPEN TROCHUS (SUMWUMW)
LIMEPWIKI SAMWA (ABOUT 500) NI DEKEHN PAKIN OH DOADOAHK PIL
DOUDOULAhte MWOWE ONG PIL EKEI DEKEHN POHNPEI KAN PWEHN PIL
SAWAS ONG SEISEI EN MENIHKE KAN EHU RAHN.

MAING SPEAKER, PALI WET PWUREHNG KAKEHLAKA OH APWALIADA KAHPWAL
EN SORALAHN MEHNIHKEHN NAN SED EN DEKE OROLUK. KOSONDI WET PAHN
PAHSAN MWAHU MA MIE MEHN PEIDAHID ONG DEKE OROLUK.

MR. SPEAKER, I PIL MEN SAKARKIHDA ME WASA EN KANAITIK ELIMWON
PIL SONDIER OH TETE ME OPIS PAHN APWALIHKIHDO SEMEN MEN ME PAHN
KAWEID PALI WET ME ROMPE WIWIAWI. I MEN KALAHNGAN KIHENG
MWOMWOHD WET PWEHKI PWEIDAHN DOADOAHK ME WIAWIER. E SANSAL ME
KESEMPWAL EN PALI WET MIEHIER NI AMWAIL ALEDAHR OH KOSONEHDI OHPIS
DE PALIH KAN ME PAHN IANG APWALIH DOADOAHK LAP EN KEIRDAH N WEI.

AGRICULTURE DE PALIEN WAHN SAHPW

EHU PALI ME IANG KEIOU KESEMPWAL MET PWEHKI E IANG WIA ELEN
KEIRIDAHN WEHI. ELEN KEIRDA LAUD ME IRAIL SOUMWET KAN KAK
ALE, KAPAPE MIE NAN PALI WET, AHPW PALI LAUD EN ANSOU OH
MWOMWEN WIEPEN AGRICULTURE ME MIE REHN IRAIL SOUMWET
KAN WIEWIA NAN RAHN PWUKAT KIN PIDETE ANAHN EN KAIRADAHN
WIEPEN APWALIH WAHN SAHPW KAN ME WIA KAPAIPEN SOUMWET
KAN OH ME KITAIL KETIN AHNEHR SANG MAHS PATOHDO ME PIL PID
LAUD MEHLEL SAPWELIMATAIL TIAK.

PILOT FARM DE WASHN KAIHN EN MWETUWEL

NAN PAHR EN REPORT WET POHNANGIN SOUMWET RIEPWIKI (200)

ME IANGAHKI SERIHN SUKUHL, TOHN DOADOHK, OH PALI TEIKAN

PWAREKEHR PILOT FARM OH IANGEHR TOWEHDA KASUKUHL KAN ONG

PELIEN WAHN SAHPW KAN.

FSM DEPARTMENT EN R&D , COLLEGE OF MICRONESIA, POHNPEI STATE

ENVIRONMENTAL PROTECTION AGENCY, USDA NATURAL RESOURCES

AND CONSERVATION SERVICES (NRCS) OH ISLAND FOOD COMMUNITY

EN POHNPEI ME IANG IDIHDAWEHN DOADOHK EN KAPWAIADA

OURAMEN EN PWEIDAHN PAI EN WEHI ME SANSAL NAN ATAIL

TUNGOAL STRAGETIC DEVELOPMENT PLAN (SDP).

PALI WET EHU ONGEHR PWIHN EN SOUMWET KAN NAN POHNPEI OH

WIEWIA SOANGEN KAI AHN KAN PWEHN KALAUDEHLA ARAIL

WEHWEHKI WIEPEN MWETUEL ME KONEHNG ROSON MWAHU OH KAK

WIA ELEN SENT MWADANG OH POATOAPOAT. EI TUNGOAL OPIS PIL

PATOAWAN ENG SOUMET KAN DE PFA EHU OPIS NAN PUNSOH PWE

EHUPENE EN KAK POATOAPOAT ONG ANAHN EN SOUMET AKAN.

MR. SPEAKER, PWEHN SANSAL ONG KUPWUR KAN RAHNWET, WEN POUND EN TOHTOHN WAHN SAHPW KOAROS ME PEKEDER ONG LIKIN POHNPEI PATOPATO NI WEN POUND PAHLOPW SAMWA) ONG NAN PAHR EN 2016. WASAPW PWUKAT IEI PWUH, SAKAU KELAU, UHT, MWAHNG OH WAHNSAPW TEIKAN. WASAPW ME NETLANG SOHP KAN SOHTE PATENG MET. PAHR WET PIL LAUDSANG PAHR EN MWOWE PWEHKI PIPIR EN SOUNPIR AIR NAURU OH AIR NUKINI E PIL SAWAS MEHLEL.

WIEPEN EPWEL OH KAKEHLAILAHN WEHWE ONG KESEMPWAL EN PEINSAKATAIL KAN PIL KOHKOHLATE MWOWE OH PAHN MWAHUSANG DAHME SANSAL. WASA TOHTO OH KAI AHN TOHTO PALI WET PIL WIAWIHER NAN KOUSON KAN, NAN WEHI KAN, OH PIL WASA TEIKAN NAN POHNPEI. MIE SOUMET ME PATOADO OH PEKI SAPW PWE EN KAK KALAUDEHLA IHMWEN WASAHN WIADA PILAWA SANG MWAHNG OH MAHI OH PIL WIADA PEPPER. MET WIA PWEIDA KEI.

ADMINISTRATION WET MEN KATOHTOHLA MAHN ME KAK KAPARAPAR
LIKIN MALEK PWEHN PIL KAPWAIADA ILEK EN NAN SDP ME PID FOOD
SECURITY OH PAI EN WEHI.

TOURISM

PALI WET ME POHNPEI KETIN KUPWUREDAHR OH KOSONEDIER NAN KOSONNED
OH NAN SAPWELIMEN WEHI PILAN EN DOADOAHK KAPW (SDP) PWEHN
POHSONE OH KAHLUWA KERIDAHN PAI EN WEHI WET. KITAIL KETIN KAMEHLELE
MA PALIEN TOURISM PAHN EPWELDA, AH PALIEN WAHN SAHPW OH WAHN
SEHD, SCHOOL, ROSON MWAHU, AHL, PIHL, LIOL, WAP, WASAHN LEKIDEK KIHD,
MEHN PEIDAID, PALIEN WAILIS, OH SAHPIS TEIKAN EN GOVERNMENT PAHN PIL
KAKEHLAILA OH IANG SEWESEDA KEIRDAH N PAI OH IEIAS MWAHU EN PEHI WET.
NAN PAHR 2015, KOSONED TOHR-PENEHR PWUKOA KAN EN PALI WET OH
KAUADA OHPIS KAPW EN TOURISM EHU PAHN OHPIS EN KEIRDAH N PAI EN WEHI
PWE EPWELPEN PALI WET EN KAK MWAHULA OH KAKEHLAILA. KOSONDIEN
DOADOAHK OH SAHPIS KAN EN PALI WET UDAH N MWAHULA OH KAK ELEHDA
PWAHKODOHN ARAMAS KAN AH TOHTO SANG AHNSOU KAN ME PATOLAH R.

NAN PAHR EN REPORT WET OHPIS EN TOURISM EHU-IONGEHR NATIONAL GOVERNMENT OH PIL OHPIS TEIKAN NAN STATE GOVERNMENT OH PIL PALI TEIKAN ONG PROJECTS KAN ONG WASAHN MWOMWEIT KAN NAN POHNPEI. PWEHN SANSAL ONG KUPWUR KAN, PALI WET TAPIADAHR KAMWAKELDAHN OH KAMWAHULAHN WASAH KAN ME IRAIL TOURISTS KAN KIN KALAPW PWAREK. NAN MADOL WIA EHU WASA KESEMPWAL ONG PEI WET OH NAN PAHR EN REPORT WET KASALEHDAHR ME E WIALAHR "WORLD HERITAGE SITE"DE EHU WASA KESEMPWAL OH POD NAN SAMPAH.

DOADOAHK EN PALI WET UDAHN KESEMPWAL PWE EPIL PEIAN MWAKELEKEL OH LINGANG A PEI WET. MET KAIDEHN ONGETE PWAHKODOHN TOURIST KAN ONG KEIRIDAHN PAI EN WEHI APW EPWEL KENEINEI ONG WASA POD OH KIPIKIPIK KESEMPWAL AKAN.

SAPWELMATAIL PLAN (SDP) WEKSANG PLAN EN WEHI TEIKAN SANG NI EH KATOHREPESENG KEIRDA OH EPWELPEN POHNPEI PWE WIEPEN KEIRDA EN PEI WET EN DEHR SAIRADA WAHU PEN SAHPW, SEHD, NAN WEHWE, OH TIAHK OH WIEWIA KODOUDOUDO OH TEHTE KEPIKPIK KAN. EI MEHLEL KITAIL ANAHNE KEIRDA. KITAIL ANAHNE KEIRDA OH APW LEL WEN ME KONEHNG SAMPWELMATAIL IEIAS.

KITAIL MAHSANIHER DUEN KEIRDAHN WASA KEI ME KARANIH KITAIL. I RAIL MEHN LIKI KAN ME UHD SAPWSAPWENIKI OH KOLOKOL PALI LAUD EN MANAMAN POHNSAHPW PWUKAT. I RAIL PWILIDAK KAN KERENIONGEHR EN SOHLA DOULUHL ARAIL PWUHNG ONG SAHPW OH TIAHK EN LIKI ME RE ALEDAHR OH MOMOURKI. I KAMEHLELE ME KAIDEHN IH WIEPEN KEIRDA ME KITAIL KUPWURIKI KAHLUA IONG PEI WET LOLE.

MR. SPEAKER, PWEHN SEWESE TAPIADA LAIDIEDO TOURIST DE SOUNMWEMWEIT KAN, KOSONNED EHU MWOL WET KAUADA ME DOKE KEKEUDAHN HOTEL LAUD EHU LUKOP, NAN WEIN MADOLENIHMW. MENEN KOSONNED WET SOHRASANG EHR NI JANUARY 1, 2014, APW ANAHNEPEN HOTEL WET MIEMIEHTE ONG KEIRDAHN POHNPEI. I PEKI LEGISLATURE WET EN EHUIENG EI TUNGOAL OPIS MWURIN ANSOU EHU ME CONTRACT EHU PAHN IMEISEKLA ME PAHN ROPADA WASA DE FEASIBILITY STUDY ONG HOTEL WET. MWOHNI OH COMPANY WET SONDIER OH PAHN KERENIENG TEPIDA. POHNPEI SOHTE KAK APWALIH MIHTING LAP AKAN OH SOUPIR TEI KAN TIPIER PIPHRDO POHNPEI ME IANGWAHKI AIR NAURU OH AIR NUGIHNI.

INFRASTRUCTURE (EPWELPEN PROJECT LAP EN WEHI KAN)

NAN IRAIR EN AHNSOUN REPORT WET, PROJECT DUWAU (9)LIKIN COMPACT ME KANEKNEKLAHR ME PATO NI WEN TALA LIMELPW, RIENEN, WENEKID, WENEPWIKI, RIEISEK-EHU (\$526,621). ORTIKPEN PROJECT PWUKAT, SONGEN PROJECT OH WASA ME PROJECT PWUKAT WIAWI IE, E PATOPATO NAN REPORT.

ONOHNDAHN POHNPEI JAIL FACILITY DE KALAPWUHS WIA EHU PROJECT ME EI TUNGOAL OPIS KOLEDI. SAWEHWE ME ELEHDA KATOHROHRLAHN MILLION \$3.6 ONG ONOHNDAHN POHNPEI JAIL OH MET SOHTE IDAWEHN DAHME POHNPEI STATE KASIK ONGETE REPAIR OH MAINTANCE EN POHNPEI JAIL. KAINEN PEN MWONI WET OH WEN DAODOAHK ME WIAWI OH JAIL PAHN KAK EN WIAWI MA MWONI SONDI ANSOU KEREN.

PRIORITY DE KEIREKDI EN INFRASTRUCTURE PROJECTS KAN NI DUEN KOSONDIEN COMPACT II DOKE MEHLEL PALIEN ROSON MWAHU OH SUKUHL. PALI TOHTOHN PROJECT KAN ME KAMANAMAN SANG JEMCO DOKE LAUD PROJECT ME SOHTE NOHN MWADANG SEWESE KEIRDAH N PALI KAN ME PAHN UTUNGADA PRIVATE SECTOR DEVELOPMENT OH PAI EN WEHI.

ORITIKPEN EHU EHU PROJECT KAN ME PID SOANGEN PROJECT, PWEINE, OH WASA ME PROJECT KAN WIAWIHDA PATOPATO NAN REPORT .

OPIS EN T&I OH OPIS KAPW PMO DE PROJECT MANAGEMENT OFFICE ME APWALIH MWOHNI EN COMPACT WIE DOADAHK PENE ONG PROJECT KOAROS

ME PID MWOHNI SANG WASA TEI KAN OH MWONI EN COMPACT SECTOR TEI KAN. KAPING KALAHNGAN ONG OPIS EN PRESIDENT ME KESEPUL PROJECT PWUKAT ONG POHNPEI STATE OH STATE TEI KAN PWE EPWEL PEN PROJECT KAN EN PATOAIER NAN EHU EHU STATE.

KEMPAHN PALIEN MWOHNI DE DEPARTMENT OF TREASURY & ADMINISTRATION.

MR. SPEAKER, NAN REPORT EN PAHR 2016 KASALEHDA ME SOANGEN KAHPWAL KAN ME DIEREKDAHR NAN ANSOU KEI PATOLAHR O EPWEL-LAHR OH WIEPEN EKEI PIL WIWIAWI. I PATOHWAN KAMEHLELE ME PALI WET PAHN NI SOANGEN MWOHNMW OHTe, PAHN DOULA OH APWALIH SOU-ITAR AKAN ME SOHTE KONEHNG EN WIAWI NI EHUPENE ME MIE NANPWUNGEN PALI WET, PUBLIC AUTITOR OH OPIS EN AG.

MET SANSAL SANG NI REPORT EN PAHR EN DOADOAHK 2016, ME APWALIDAHR KAHPWAL KAN SANG NI PALI WET AH KOSONEHDI EN SOHTE MWEIDADA DOADOHKLAHN 20% EN MWOHNI ME KAMANAMANLA OHNG PALIH KAN PWE EN KIN DAPWUN SOUITAR ME KIN MIE NI IMIN PAHR AKAN.

IRE WET ME KIN KAMWAHUIALA SAPWELMATAIL REPORT CARD EN DOADOAHKI MWONI EN GOVERNMENT OH ELEHDA KAPWOROPWOR OH LIKILIK LAUD ONG

KITAIL SANG WEI OH KOPERMENT TEI KAN PWEHKI SANG NI AUDIT DE KAINEN PWUHK EN WEI E KIN PEIDA MWAHU.

NAN PAHR EN ROPORT WET, E SANSALEHR ME MIE PWEIDAHKEI PIL MIE NAN KEMPAHN PELIEN MWOHNI SANG NI NGOANG EN PELIEN RIK TAXES KAN OH MWONI TEI KAN. NAHN PAHR EN DODOHK WET, TALA RIELOPW (\$200,000)

ALAHDI SANG NI WIHN EN INVESTMENT EN CAROLINE FISHERIES CORPORATION DE CFC.

I KAMEHLELE ME NAN FISCAL YEAR MET PAHN PIL MWAHUSANG DAHME SANSALEHR PWEHKI WEN TALA PAHLOPW, NEN, RIEKID (\$412,000) ME PIL ALAHLDI SANGEHR WEWEPENE MWAHU NANPWUNGEN CFC OH OPIS WET SANG NI ATAIL WIA PARTNER DE CORPORATION EHU OH I PATOAWAN KASIK ME MET WIALAHR EHU ELEN MWONI ONG STATE GOVERNMENT SANG NI MEETING EHU ME I PATOAWAN EHUKIONG BOARD EN CFC..

E PIL KONENG EN SANSAL ME PATPENEHN WEN MWOHNI ME PATO NAN NEKNEK KAN KOAROS ME PATO PAHN EDEN WEHI POHNPEI ME SANGWETE PAHN COMPACT KEIOU LEL DCD NAN BANK KAN PATO NI WEN TALA MILLION RIESEK EHU POINT RIAU (\$21,218,830). DIRECTOR EN PALI WET OH EI TUNGOAL OPIS SONGWOSONG PWE EKEI NEKNEK PWUKAT EN KOHLANG WASA ME KAK EN NEITIK LAUD SANG DAHME MIE RAHNWET.

MET KASALEDAHR ME MIE PWEIDA MWAHU NAN KEMPAHN PELIEN MONEY.

PUBLIC SAFETY- KEMPAHN APWALIH ONEPEK OH MELEILEI

PALI WET KESEMPWAL MEHLEL PWEHKI ONEPEK OH MELEILEI WIA

KISEHN ILEK EN NAN SAPWELIMATAIL POASON EN KOASONNED.

EPWELPEN ONEPEK OH MELEILEI NAN PAHR 2016 PIL SIKISANG NAN

PAHR EN MWOWE KAN NIN DUWEN AH SANSAL NAN REPORT. PWEHKI

ANAHN KESEMPWAL EN MELEILEI OH ONEPEK MWAHU AH KIN MIE

NAN ANSOU KOAROS, KITAIL KIN SOHLA ITARKI WEN SAHPIS EN PALI

WET.

NAN REPORT EN PAHR 2016:

- OFFICERS EHK WELIMEN (18) KANEKELAHR KASUKUHL EN
PELIEN HAZARDOUS MATERIAL OH FIRST RESPONDERS
OPERATIONS.
- OFFICERS WENEMEN (6) IANG TOWEHDA KASUKUHL EN PELIEN
MARITIME SEARCH AND RESCUE SANG U.S. COAST GUARD.

- OFFICERS EHK DUWEMEN (19) IANGAHKI ABMUBLANCE
DRIVERS KAN ALEHIER OH KANEKEHLAHR KASUKUHL EN PELIEN
EMERGENCY MEDICAL RESPONSE
- TRIANING EN 9-1-1 EMD SYSTEM KANEKINEKLAHR
- PALI WET PIL PAIAMWAHUKIHER 1 PICKUP TRUCK MEHN
DOADOAHK NAN PALI WET, OH
- ROPROP EN SEWESEHDA ARAMAS DE RESCUE TRAINING
WIAWI ONG OFFICER SILIMEN (3).
- CASE KID, DUWEPWIKI, EISEK-EHU (1,911) ME REPORTPE MIE,
OH MEH KID, LIMEPWIKI, ISIHSEK-DUWAU ME EPWELDA(
1,519).

WEN TOHTO EN CASE ME SOHTE EPWELLA NAN PAHR EN DOADOAHK
WET MALAULOUSANG NAN PAHR EN MWOWE.

WEREN NAN SAPW LIMEKID, SILIPWIKI, LIMEISEK-LIMAU (5,355) ME
REGISTER, OH LICENSE KAPW PATO POHNANGIN KID SAMWA.

TOTOHN ME SELDIH DE KASDODI (INMATES) MEH KID, ISIPWIKI,
WENEHK (1,760), MEH RIEHK-SILIMEN (23) PATOHSANG FSM.

PALI EN FISH OH WILDLIFE, PAHN PUBLIC SAFETY

PETEHKPEN MWAHMW KAN NI MARKET KAN NAN KOLONIA, NETT,
SOKEHS, KITTI OH MADOLENIHMW WIAWIER NAN WEHI PWUKAT NAN
PAHR EN REPORT 2016.

TOTOHN RAHN OH PWOHNG ME IRAIL OFFICER KAN PIL PATROL IH OH
MONITOR ONG NI DEKEHN BLACK CORAL, NAHTIK, SAPWITIK, MWAND,
PALIPOHN DEPEK, NAN WAP, NAMWEN NA, NAMWEN NAHINGI, OH
PALIKIR REIREI KI RAHN EPWIKI, WELIHSEK (180) OH PWOHNG EISEK-
PAHIOU (14).

ANAHN EN MISIHN EN NANSED ONG PWOHT 3, OH PIL DIPISOU TEIKAN
ANAHN LAUD ONG PALI WET PWEHN PIL KATAIALA PWUKOAH
DOADOAHK KAN ONG PALI WET.

ANAHN KAN EN PALI WET PAHN ANAHNE EPWELDA PWEHN
DOUDOULAHE OH KOLOKOL EPWELPEN MELEILEI OH ONOPEK
MWAHU. MA KITAIL PAHN KETIN SOHNG EPWELPEN MELEILEI OH
ONEPEK MWAHU, POHNPEI INENENEN MWAHUSANG WASA TOHTO
NAN PACIFIC ET PWEHKI SAWAS PENE ME MIE NANPWUNGEN
NATIONAL, STATE OH LOCAL KOPERMENT KAN.

DEPARTMENT OF LAND –(KEMPAHN SAHPW OH WASA POD KAN)

OHPIS EN SAHPW KIN APWALIH EPWELDAH N PELIEN SAHPW KAN ME
KOUSON KAN PATO LOLE OH WASA DOAHDOAHK KAN PIL KIN WIAWI
IE. MAING MR. SPEAKER, IEN MWUR EKIS SAIR PWEIDAHN PALI WET
NAN PAHR EN REPORT WET. PELIEN SAHPW PAHISEK-PAHIOU (44) ME
LEASE ONG KOUSON EN ARAMAS KAN, NAVY LEASE (EISEK-DUWAU
(19), PELIEN SAHPW ME DOADOHNGKI CLEARANCE PERMIT MEH EISEK
(10), WASA ME SOASOHNGDI MEH ISIHSEK (70), PELIEN SAHPW POD DE
HISTORIC SITE ME SOSOHNGDI MEH WENEU (6), OH SOSOHNG EN
KOPWUNG-PWUNGLAHN PELIEN SAHPW ME RIEISEK-ISUH (27). PALI

WET PIL KETIROPWKI MEHLEL SOASOHNGDAHN BACKLOG DE SAPW
ME KAMANAMANLAR APW SAIK SOASOHNGDA. ROPROP ONG TETEHN
DOADOAHK ONG OH PIL EKEI TOHN DOADOAHK ME WIWIAWI ANSOU
WET PEHN KAK APWALIADA BACKLOG ME MIE. PISSEK EN EHU EHU
PALI EN DOADOAHK ME MIH PAHN OHPIS WET PATEHNG REPORT WET.

OFFICE EN ATTORNEY GENERAL DE (AG)

EHU OHPIS ME SANSAL MEHLEL PWUKOAH KESEMPWAL KAN ME PALI
WET KIN APWALIHENG WEHI. E SANSAL NAN REPORT EN PAHR 2016
ME WEN TOHTOHN DOADOAHK ME PWEIDAR NAN EHU EHU PALI ONG
OHPIS WET ME NGEDER.

IETEHT SAHPIS KAN ME EPWELDAHR:

- LEGAL ADVICE RIEKID, WELIHSEK-ISUH (2,087)
- RULES AND REGULATION MEH SILUH (3)
- CRIMINAL CASES MEH PAHPWIKI, RIEISEK-EHU (421)
- TRAFFIC CASES MEH ISIPWIKI-PAHIOU (704)

- JUVENILE CASES MEH RIEISEK-PAHIOU (24)
- MENTAL INCOMPETENT CASES MEH EISEK-RIAU (12)
- CIVIL CASES MEH RIEPWIKI, RIEISEK-LIMAU (225)
- ROPROP DE NVESTIGATIONS MEH WELIHSEK-RIAU (82)
- ARTICLES OF INCORPORATION AND BY-LAW SILIHSEK-RIAU (32)
ME EPWELDA
- NOTARY PUBLIC COMMISSIONS MEH LIMAU (5) ME EPWELDA
- APPLICATION ME REVIEW OH ALAHLDI NI OFFICE MEH SILIHSEK-
ISUH (37)
- INVESTMENT REPORT MEH ISIHSEK-DUWAU (79) ME RIKIRIKDA,
OH
- WIEPEN DOADOAHK ONG PELIEN INSPECTION RIEPWIKI-PAHIOU
(204) ME WIAWIER.

OHPIS WET PIL PAHN DOUDOULAHTE OH WIA WEN KAK KOAROS ONG
PWUKOAH KESEMPWAL KAN ME PID KAKEHLAKA KOSONNED ME PIL
KIN WIA SAWAS LAUD ONG WEHI.

PUBLIC AFFAIRS

MR. SPEAKER OHPIS EN PUBLIC AFFAIRS PEUPEUSEHLAhte AH
TUNGOL PWUKOAHN EN NAN NAN PWUNGE EI TUNGOAL OHPIS
OH POHNPE LEGISLATURE, SEWESE KOPERMENT EN NAN
WEHI KAN, MWOALEN WAHU ILEILE EN POHNPEI, PIL KIN
PWUKOHKI KAPWIL ROHNG OHNG WEIPOKON, PIL NAN PWUNGE
POHNPEI OH OHPIS EN PEACE CORP MICRONESIA OH OHPIS EN
SAWAS SANG WEI TEI KAN ME PATOA POHNPEI OH MAS LIKIN
POHNPEI.

ORITIKPEN PWUKOH EN PALI WET PATO NAN REPORT PISETIK.

ELECTION (OHPIS EN USUHS)

PETEHKPEN DOADOHK EN PALI EN USUHS KASALEHDA ME TOHTOHN
ME REGISTER KAPW ONG USUHS TOHTOHSANG NAN PAHR EN
MWOWEHSANG.

E DEHDE MET ME SOUN USUHS TOHTOHLA PWEHKI REGISTER KAPW TOHTO ME WIAWI. NAN PAHR 2016 ME REGISTER KAPW MEH KID, WENEPWIKI, SILIAKAN-PAHMEN (1,634).

MEHLEL ME DENE IEITE ANSOUN DOADOAHK LAUD EN OHPIS WET ANSOU ME KITAIL KIN USUHS. AHPW ME KESEMPWAL SANG IEI WIEPEN EPWEL POATOAPOAT EN MASTER REGISTRATION LIST, NAN SOUNPWONG OH SOUNPAR KOAROS. KEPWUKOH KAPW PIL PATOHIENG OFFICE WET EN ROPADA WIEPEN USUHS KAPW ME DUWEHTE ELECTRONIC VOTING SYSTEM MA E PAHN KAK EN MWAHUENG POHNPEI PWEHN KAK EN KITIKALA PWEINEN USUHS OH PIL PETEHK KENEINEI EN WIAAIONG KOSOANNED EN USUHS ME MIE RAHNWET. E SANSAL ME KITAIL KETIN LOIENG NAN KAPWAL EN USUHS NAN PAHR EN USHUS NEKIER OH.

PTA- POHNPEI TRANSPORTATION AUTHORITY

SANG NI ANAHN LAUD ONG EPWELDAHN PROJECT KAN NAN PAHR EN DODOHK WET, PROJECT SILISEK DUWAHU (39) PAVE EN AHL ME

PATPATO NI WEN TALA \$1.6 MILLION. PAVE EN AHL PROJECT RIEISEK-DUWAU (29) ME ALLOTTED ONG P.T.A. OH CONTRACT LIMAU (5) ONG PAVE EN AHL PATOASANG SANG NATIONAL GOVERNMENT.

P.T.A KANEKEHLAHR PERCENT 90% EN PROJECTS EN AHL ME FUNDED SANG STATE GOVERNMENT, ME PATO NI WEN TALA LOPW, WELINEN (\$180,000) OH PROJECT RIAU PIL SANG NATIONAL GOVERNMENT PROJECTS ME WE PATO NI TALA LIMELOPW, RIENEN, LIMEKID (\$525,000)

SAPWELIMEN WEHI POHNPEI KAPING KALAHNGAN ONG JAPAN EMBASSY PWEHKI OH NATIONAL GOVERNMENT SAWAS EN MESIHN EN WIE AHL OH SAWAS TEI KAN ME KAMWADANGALHR KODOHKEPEN AHL AKAN.

ANSOU WET PROJECT EN AHL RIAHU (2) SANG STATE ME KODOHKPENE NANANTI (UPPER KEMWELI & DAUSOKELE BRIDGE) OH PIL EKEI SANG NATIONAL GOVERNMENT.

MET SANSAL ME PROJECTS EN PAHR ME REPORT WET DOKE

TOHTOSANG NAN PAHN 2015 PWEHKI NGOANG EN DOADOAHK OH

SAWAS LAUD ME MIE.

PALI LAUD EN PROJECTS KAN MWADANGALA MEHLEL PWEHKI DIPISOU

EN DOADOHK AHR MWAHULA OH TOHTOHLA.

PALI WET PIL KASIKASIK EHU MESIHN EN INIHN PAVE DE ASPHALT

PLANT NAN SOUNPWONG EN FEBRUARY OH MISIN WET PEIDIER

POHNPEI OH PAHN WELIANDAHR ME WEREILAHR OH.

POHNPEI STATE HOUSING AUTHORITY

MAING MR. SPEAKER, SAPWELIMATAIL OHPIS EN HOUSING AUTHORITY

ME KIN APWALIH PALIEN ANAHN EN EPWELDAHN KOKOUDAHN

TEHNPAS OH IMWEN KOUSON KAN.

DAHME SANSAL NAN REPORT EN PAHR 2016, WEN PROJECT ME PALI

WET TUNGOALENKI OH KANEKEHLA TOHTOHKI PROJECT PAHISEK-RIAU

(42) OH PATPENEHN PWEINEN PROJECT KAN ONG TEHNPAS DE IHMW

KAPW OH ONOHNDA PATOPATO NI WEN TALA WELIOPW, WELINEN, LIMEKID, PAHPWIKI, EISEK-WALUH, SENT DUWEISEK (\$855,418.90).

TEHNPAS KAPW DE IHMW EISEK (10) ME ONOHNDA, MEH SILIHSEK-RIAU (32) ME EPWELDA NAN PAHR EN DOADOAHK WET OH EKEI KODOHKEPE DOUDOULAHE.

MR. SPEAKER, COLLECTION EN NAN PAHR WET PATPATO NI WEN TALA ISILOPW NEN DUEKID DUWEPWIKI LIMEISEK WONOBU SENT LIMEISEK LIMAU (\$719,956.55) TALA DUWENEN, RIEKID, EPWIKI, EISEK-LIMAU (\$92,115.59) LAUDKIHSANG NAN PAHR EN DOADOAHK ME PATOLAHR.

PALI WET PAHN DOUDOULAHE MWOWE OH WIA WEN KAK KOAROS PWEHN SOWESE ANAHN EN ARAMAS KAN ONG TEHNPAS KAN, RIKADA PWEIPWAND KAN PWEHN SAWAS KAKEHLAKA DOADOHK EN PALI WET, OH KALAUDEHLA LOAN COLLECTION EN FY2017 SANG TALA ISUNEN (\$70,000) ONG WELINEN (\$80,000) NAN EHU SOUNPWONG. KOSONEPE MIE PWE SAWAS EN OHPIS WET EN PIK KAK LELLA NI DEKE EN LIKIN KAHLAP EN POHNPEI KAN.

PALI WET PIL PEKIKEKITE SAWAS LAUD SANG KEMPAHN SAHPW,
ATTORNEY GENERAL'S OFFICE, FINANCE OH BUDGET, PWEHKI IH PALI
PWUKAT ME KIN IANG SAWAS ONG PWEIDAH KAN ONG SAPIS EN PALI
WET.

PWE IEN KAIRALA EI TUNGOAL REPORT, KAPING LAP OH SAKAR MISIK

PAHN KUPWUR EN KAHLAPOKO, ISOKO, LIKEND, NAHNALEK,
NAHNKENIEIKO; PWEHKI SAPWELIMHR ANSOU ME RE KET OH
KETKIONGEHR WAUPEN OH LINGAN EN KETIDIHN RAHNWET. KAPING
PAHN DOKE SPEAKER , HONORABLE MEMBERS KAN, CHIEF JUSTICE OH
IENGOMWIH KAN. KAPING ONG OLEISO, SERIHSO, SOUMAS PELIEN DAL
AKAN, OH SAPWELMWAR LENGLENG KEIDI KAN KOAROS.

- MWOMWOHDISO KAN
- LOCAL GOVERNMENT KAN
- PWIHN EN LIH KAN
- ME PWULOPWUL KAN

- ME LUHMWUHMW NAN IMWEN WINI OH TEHPAS KAN;
- ME PATOPATO NAN KALAPWUHS KAN
- MEHN POHNPEI KOAROS ME PIL KETIKET DE PATOAPATOA LIKIN
POHNPEI RAHNWET.

I MEN PATOAWAN KATAMAN KI KETI WET ME POHNPEI SOHTE
 WEKISANG WASA TEIKAN NAN SAMPAH. SAMPAH PWON
 WEKWEKIDEK PEIAN WEKIDEKILAHN ANSOU OH MWEHI. KITAIL PIL
 ANAHNE IANG WEKIDEK MA IEI KITAIL KUPWURIKI KEIRIDA OH IEIAS
 MWAHU EN MIE ONG KITAIL LAKAPW OH PATOHLA MWOWE.
 MWOHNSAPWOKO,ISOHKO, MR. SPEAKER OH KOAROSIHIE, EI
 TUNGOAL SAKARADA, EREHR!.

KALAHNGAN PAHN KUPWUREN IHROKO OH KORUHSIE..

